

Protocol no. 6**Sezzüda da marcurdi, 15 favrer 2012, 20.00 – 23.00**

Preschaints: Albert Mayer, Andri Poo, Men Caviezel, Dumeng Jann,
Marianne Werro-Lehmann e Claudia Luppi (protocol)

Protocol

Il protocol no. 5 da la sezzüda da marcurdi, 8 favrer 2012 vain approvà.

31 021 FABRICA
Chasa Stron 261 e 261A, G. e C. Lutz-Di Guimaraes de Aquino

Il schef da fabrica orientescha cha'ls patruns da fabrica da la chasa a Stron hajan confermà in scrit ch'els sajan daperüna cul proceder da dumandar ün parair giuridic e ch'els surpiglian eir ils cuosts per tal.

32 720.503 Deponia d'immundizchas Sur En
Deponia cun cuntgnaröls suotterrans Sur En - Surdatta da lavur

Per la deponia nouva cun cuntgnaröls suotterrans a Sur En vegnan surdattas las lavurs seguaintamaing :

<u>Firma Trashfox:</u>	Cuntgnaröls suotterrans	tenor offerta: fr. 21'910.20
<u>Firma Koch AG:</u>	S-chav	tenor offerta: fr. 9'558.45
<u>Firma Mader GmbH:</u>	Transport cuntgnaröls	tenor offerta: fr. 3'066.95

Ils cuosts s'amuntan tenor las offertas sün fr. 34'535.60. Implü vegnan pro amo cuosts interns da fr. 400.-- pel progetar e l'execuziun tras ils impiegats cumünals. Aint ils preventiv dal 2012 d'eira previs e fat bun da la radunanza l'import da fr. 35'000.-- per la deponia nouva da Sur En.

33 012.300 Remuneraziuns e diaris per ufficiants e cumischiuns
Rapport d'uras e da spaisas- directivas cleras

Per avair da prüma davent directivas cleras a regard ils rapports da las uras e spaisas dals ufficiants cumünals, vules il Cussagl cumünal fixar che prestaziuns chi sun cumprais i'l salari pauschal e che prestaziuns e spaisas chi han da gnir indemnizadas ultra dal salari pauschal. Il Cussagl cumünal s'abina sün seguaint möd adöver: Sco lavur ordinaria dal decasteri e cumpraisa illa pauschala vala: visar ils quints, leger ils protocols e far eventualas correcturas, tour invista illa documainta chi sta a disposiziun preparatoricamaing per la prosma sezzüda dal Cussagl, sustegn dal büro electoral e da votumaziun, preschentscha pro las radunanzas. Ulteriuras prestaziuns e spaisas vegnan indemnizadas tenor il reglamaint da remuneraziun fat bun da la radunanza. Las spaisas da telefon dal capo e da cusglieras e cusgliers vegnan indemnizadas cun üna pauschala da fr. 200.-- per on.

Temas prioritaris a regard la revisiun da palnisaziun cumünala

Il schef da planisaziun orientescha ch'el haja discus cul planisader Orlando Menghini sur dals seguaints temas prioritaris chi stuvevan tuot tenor amo üna jada gnir adattats illa revisiun totala da la planisaziun cumünala:

Stabilimaint da trafo Chavorgia:

La valütaziun dal stabilimaint da trafo giò la Chavorgia sco “stabilimaint degn da gnir mantgnü” pel plan da fuormaziun po eventualmaing müdar tuot tenor il proget concret pel trafo nouv in quel cuntegn.

Zona da mansteranza Pozzet

Il Cussagl da cumün vuless prouvar d'ameglrar las premissas in quista zona chi nun es per intant attractiva per ditas.

Finischiun pista da sömni

Il problem da la finischiun da la pista da sömni vain tut per mans.

35**ORIENTAZIUNS****Gurlaina SA:**

Jon Carl Rauch ha decis da sortir in gün da la suprastanza da la Gurlaina SA. Il Cussagl cumünal decida da propuner a la radunanza generala da la Gurlaina SA a Marianne Werro sco candidata per l'elecziun illa suprastanza.

Pro Natura Grischun e WWF Grischun

A regard la revisiun parziala da la planisaziun cumünala a Panas-ch Sura han las duos organisaziuns surnomnadas inoltrà lur posiziun e criticà la revisiun parziala a Panas-ch Sura in trais puncts. Il Cussagl cumünal decida da spettar giò la posiziun dals uffizis chantunals avant co gnir activ illa chosa.

Kino Openair Sent

Ils organisateurs dal Kino Openair Sent fan eir quist on la dumonda da conceder ils differents permiss necessaris sco eir pel sustegn in fuorma da material, lavuraints cumünals ed in fuorma finanziaria. Il Cussagl cumünal decida da conceder il sustegn i'l rom dals ultims ons. Il sustegn finanziel importa fr. 1'500.--.

Battasendas Capricorn

La secziun da battasendas indigena Capricorn organisescha quist on l'inscunter da battasendas chantunal, il chomp tradiziunal da Tschinquaisma, in Engiadina Bassa e fa als cumüns la dumonda per ün sustegn finanziel. Il Cussagl cumünal decida da dar ün sustegn da fr. 200.-- per quist occurenza.

Rico Franc Valär, “Ouvras da Peider Lansel”, tom II

Sar Valär fa al cumün da Sent la dumonda da sustegn per la publicaziun “Ouvras da Peider Lansel”, tom II. Il Cussagl cumünal decida da dar ün sustegn da fr- 250.--.

“Resuns” – Film documentar

Las duos regissuras Aline Suter e Céline Carridroit fan la dumonda da sustegn per lur film “Resuns” chi portretescha persunalitats dal territori rumantsch, tanter oter eir l'actura Annina Sedlacek. Adonte ch'in quist film vain portretada ün'abitanta da Sent, nu vezza il Cussagl cumünal motivs avuonda chi güstifichessan ün sustegn finanziel dal proget.

Hotel Val Sinestra - Access protet da lavinias

Illa fatschenda pendent a regard la fabrica d'ün access protet da lavinias per l'hotel Val Sinestra esa previs üna sezzüda al mais avrigl.

Infrastructura electrica e da chanelisaziun Pozzet

A regard la cumprita da l'infrastructura electrica e da chanelisaziun da Pozzet as ha surdat al giurist dal cumün il mandat da stipular ün sböz per ün contrat da cumprita chi vess da servir tanter oter sco basa per la radunanza. La documainta necessaria pel contrat, eir concernent las taxas d'attach, vain amo cumplettada e tramissa al giurist.

L'actuara: